



Inatsisartunut ilaasortaq Múte B. Egede, Inuit Ataqtigiit
-/ MAANI

§ 37 naapertorlugu apeqqummut nr. 022-mut nakorsaasivik pillugu akissut

Inatsisartut suleriaasianni § 37, imm. 1 malillugu Kujataani nakorsaataasivik pillugu Naalakkersuisunut apeqquteqarsimavutit. Apeqquq uanga susassa qarfigisannit akineqartussanngorlugu innersuunneqarpoq.

01-02-2016
Suliap nr.: 2016 - 1851
Akt. nr. 2064572

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1. Ilumoorpa Qaqortumi uumasut nakorsaani uumasunut nakorsaataasiviup Ilulissanut nuunneqarsimanera?

a. Taamaassimappat Naalakkersuisup pissusissamisoortutut isigaa kujataani 20.000-it sinnerlugit inuussutissarsiutaasunik uumasuteqarfiusumi naammattumik uumasunut nakorsaateqannginnera?

Akissut: Naamik, Qaqortumi uumasunut nakorsa qarfimmi nakorsaataatit Ilulissani uumasunut nakorsa qarfimmuq nuunneqarsimanngillat. Uumasunut Nakorsa qarnermut Inuussutissalerinermullu Oqartussaasut (UNIO-p) nakorsaatinik paarsisarnerat siammarterisarnerallu ukiuni arlaqalersuni allanngortinneqarnikuunngilaq. Ilulissani kapuutitut akiuussutissanut toqqorsiveqarpoq. Nunalerinermi uumasuutit tassanngaannaq nappaateqalersut katsorsarnissaannut Qaqortumi nakorsaatisannut toqqorsiveqarpoq.

Nunatta Kujataani savaatillit qimmerinngisaannik pitsaaliuilluni perlerornermut akiuussutissanik kapisisoqassatillugu uumasunut nakorsa qar pisarnertut periutsit malillugit Avannaani uumasunut nakorsaasumut akiuussutissanik piniartarpoq.

2. Naalakkersusut pilersaaruteqarpat pissutsinut tulluurtumik kujataani uumasunut nakorsaataasiveqaleqqinnissaanut?

a. Pilersaaruteqartoqanngippat tamanna suna tunngaviva?

Akissut: Aaqqissuussineq massakkut atorneqartoq ullutsinnut naleqquttutut isigineqarpoq, Kujataanilu nunalerisut nakorsaatisaataat Nunatsinnilu akiuussutissanik pisariaqartitsineq isumagineqarlutik. Nunatsinnili akiuussutissanik assartuiniartartoqartillugu assartueriaatsit attaveqaatillu ilaatigooriarlutik unammillernartuusarput, tamakkumi assartorneranni kiassuseq eqqortoq atorneqartussaammat.

3. Naalakkersuisut perlerornermik annertuumik ajornartorsiortoqarnera ilisimavaat iliuuseqarfiginiarpaallu?

Svar: Qangali ilisimaneqarpoq Nunatsinni teriannissat perlerornermut aallaaviusartut, teriannissallu perlerornermut virus-ianik, Lyssavirus-imit, tunillatsissimasutut pasineqartut amerliartuinnartutut isumaqarfigineqarlutik.

UNIO-p nappaatip siaruariatornera ilisimavaat, tunillaassuinerillu uumasunut inunnullu
teriannissat pasitsannartut aqquqigalugit saassussisartut pillugit paasissutissanik
aaqqissuussamik katersuisoqarluni.

Uumasunut nakorsaqaqfiup nunatsinnilu nakorsaaneqaqfiup akornanni siunissami
iliusissanik annerusumik pitsaaliuinermik kinguneqartussanik oqallittoqarnissaa
siunertaralugu attaveqartoqalersimavoq.

Inuulluaqqusillunga

Karl-Kristian Kruse